

# 朝野新譚

姜泣羣 著

光華編輯社

中華民國三年正月印刷  
中華民國三年二月發行

版權所有 翻刻不許

編輯者  
印刷者  
發行所  
特約發行者  
特約發行者  
分售處

姜泣羣  
上海鄭家木橋西松盛胡同  
東方印刷所  
光華編輯社  
掃葉山房北號  
中華圖書館  
各省各埠書局

民國野史甲乙編一名朝野新譚

一冊定價大洋六角

總發行所上海

新開路聚慶里第  
四百零八號門牌


光華編輯社

# 民國野史序

小鳳

惟士能奪千鈞萬乘之欲以繼所志後世論人之規豈不本諸此乎  
余謂革命之役當始自已庚其終則吾不敢知孟子曰民爲貴使此  
義長在俾多聞博識之彥雍雍紀一代興廢豈非吾人大幸哉志士  
殺身不顧以應一時之急漢萍之役猶天桂粵桂粵亦猶夫武漢焉  
苟不建其極斯志不達則後之視武漢焉知不與漢萍桂粵同哉然  
則民國野史殆亦有憾乎士君子識仁與義不得志不能行其道慨  
然入著述之林甯得已哉顧世之事恆不相從焉試譬諸水崑崙以  
下碣石龍門之險或折之或迴之然千里犇放至東海而止矣賢人

君。子。之。愛。其。國。所。百。蹶。百。起。以。赴。難。者。庸。有。異。乎。野。史。之。輯。今。或。在。龍。門。碣。石。間。乎。是。在。識。之。者。而。已。



# 民國野史序

情天室主

考治亂鑒興亡莫如史中國之史流派素多有正史有編年有紀事本末有別史有雜史正史尙矣顧其中恆舉瑩瑩大者若夫遺聞軼事大半闕如清政不綱民國建立兩載以來遺聞軼事之足資考證者甚夥歐美人士箸成專書以紀之者就余所見已若干種而吾國顧鮮有聞焉鄧水姜君泣羣怒焉憂之爰有民國野史之輯凡近年以來之遺聞軼事搜集靡遺先出甲乙兩編並擬以十編爲限陸續印行嗚呼勤矣吾知此書出不特中國學者將人置一編卽歐美人士之研究中國近事者亦必先睹爲快夫吾國時事往往瞬息萬變

令人不可懸測吾恐君書方將繼出而不窮豈能預以十編限哉

二年二月上海情天室主識



## 凡例

一是編悉爲吾中華民國開幕前後之奇聞軼事開信史之先河垂紀念於後世

二是編或採錄舊聞或掇拾新事間或輯諸名人筆記皆標明作者姓名以避剽竊之嫌

三是編以編輯先後爲次序事蹟倒置在所不免

四是編命名朝野新譚故上自建設偉人之歷史下逮閭閻畝畝之瑣話以及光復前野外戰紀凡可驚可愕可泣可歌足資譚助者無不兼收並蓄以饜閱者之眼界

五闡幽揚微爲本書之宗旨明譏隱刺非編者所樂聞是否有當高明鑒之

泣羣識

朝野新譚凡例



河洛大俠王天縱



陳國權君小傳（民國二年二月江亢虎撰）

陳君國權字重民。先世本安徽泗州人。遠祖諱某。字鐵園。明初從太祖下江南。累官龍德大將軍。事具邑乘。

陳國權先生小影



師承而出其所學。雖老師宿儒莫之能先也。七歲時塾中羣兒戲以春秋列國爲比。某爲晉。某爲楚。某爲齊。而以君年最少。戲擬之爲滕。薛君時讀孟子。奮然曰。地方百里。而可以王。羣兒咋舌退。然塾師固腐儒。因君

賜葬金陵。故遂家焉。今君始爲上海人。曾祖諱榛。前清時官四川知縣。祖諱嘉猷。以孝友著。父諱慶元。邑庠生。品學兼茂。遭太平之亂。貧困以終。先是君曾祖曾在金陵置房產。頗鉅。亂後族人盜賣與合肥劉氏。君父居長。所得應倍蓰。而族人客不與一笑置之。而以來安縣田租濟其族人。一時稱爲長者。君生有異稟。六歲失怙。貧無以讀。然性好博覽。故雖生平無所

蹶蹢不羈。益嚴繩之。君鬱鬱不自得。自是遂廢學。然偶得一卷日夜攻苦。學以大通。迨中日之戰。益留心當時之事。凡西儒譯作。無不閱者。瀏陽譚嗣同常往來滬濱。與君最善。每謂人曰。他日能在吾儕中獨樹一幟者。必此人也。君又以其間自習英文文字。逾年而盡得其奧。彼中文學科學靡不瀏覽。而專注意西人論載華事之書。所閱不下數千種。戊戌前一年。君年僅二十二。上海各維新家遍開報館。立不羈足會等事。君贊助特勤。并力倡剪髮變服之議。時風氣甫開。家人羣相駭怪。而君不之顧。無何政變。瀏陽諸子被害。君以與瀏陽等有舊。遂有株連之說。親友咸咎君。且多誹笑之。君以事既無成。不屑與較。然自是遂無意世用。蓋深知滿政府一日不推倒。卽中國一日不能改革。溯自戊戌至辛亥十餘年。君一意韜晦。惟恐人知。卽友朋亦恆少過從。偶被出游。東南佳山水。足跡殆徧。嘗游西湖。流連不忍去。賦詩有何日離塵網。烟霞任久留之句。已亥庚子間。南洋勸業會。廣州元且兵變之役。皆大半失敗。而滿廷方以立憲空言相塗飾。君憤極。愈知事不可爲。遂謝絕人事。閉戶者經年。益發篋中中西書籍。遍讀之。迨武昌事起。君躍然而起曰。此黃帝在天之靈。有以默相之也。我中國其有彣乎。自是遂奔走各界。力任鼓吹。時北伐之議方亟。滬上各界均以籌捐爲第一義。然往往有不肖者。冒名勒索等弊。君一日在寓晨起。有叩門入者。詢之以籌餉對。君立以千金畀之。旋知其僞。有勸以控諸理者。則慨然曰。今日之事。莫亟於北伐。吾豈以區區身外之物。而貽外人笑耶。遜謝之。或以爲迂。民國告成。君奔走益甚。寢食不遑。常語人曰。我輩幸逢斯世。宜消除黨見。合四萬萬人爲一團體。今共和告成。滿清遜位。所懼者外患耳。故必合全力以鞏固共和之基礎。蓋滿清早成爲垂死之人。拉朽摧枯。擊之甚易。必吾國能如日本戰勝強鄰。則將永爲東亞頭等強國。而世界和平亦得以保持。聞者蹙之上。年八月。君購得英政府刊布中國革命藍皮書第一編。亟於夜間遙譯。以二星期告成。中有英政府電駐京公使承認中華民國事甚詳。君以板權贈諸發行者。使廉價銷行。俾舉國之焦心於承認問題者。知外

人早有承認之意。繼與李君懷霜等發起救蒙會。又慮中國孤立寡援。獨發起中美英睦誼會。以爲國民外交之嚆矢。早夜盡瘁。不數日而中外喧傳。環球震動。發達之盛。迅速置郵。國人之入會者無論卽華僑之英美名人。領士亦泰半贊同。而尤以君不收會費。捐私奉公之美。君又頗自謙抑。謂己之德望不足任發起人。爰推伍廷芳君爲會長。以尊尚德。而已則師事之。伍君亦深重其人。嘗爲游揚於廣座間。曰陳君真奇人也。孫中山君亦推君爲識時務之俊傑。黃克強君則謂爲深謀遠慮。以一人之心力。活動國民外交。英儒蘭林謂睦誼會足以永立於地球。而君名應隨之以不朽。李提摩太君亦以世界偉人期許之。他如前外交總長王博士寵惠。今浙江都督朱君瑞均推重君。王君每與君論中西學書籍。輒嘆其淵博。朱君嘗讀其所著。謂爲崇論閎議。筆挾風霜。君就居滬城西郊林木深蔚。眺遠尤佳。聚書畫數萬卷。几榻皆滿。嘯傲哦誦。午夜不休。湯螯仙君嘗過其廬。指曰此中大有人在。自庚子以來。瓜分之禍。時懷國人心目中。而一二野心之國。每不恤破壞世界平和。以逞其狡焉思啓之心。蔽在憎於吾國內情。君爲英文中國革命諸子小傳。示外人以四萬萬中有如許豪傑。前仆後繼。雖刀鋸鼎鑊不足挫其志。民氣如是。瓜分之說未可輕言。然則是書之著。豈獨奉揚國光。昭示來許。抑亦潛移外人之視聽。而生其敬慕之心。君痛恨鴉片。娶於鄧氏。適爲禁烟首功。解筠尙書之曾孫。又與林文忠公文孫大任爲文字至交。搜輯多年。合刊鄧林唱和集。皆禁烟時兩公府唱之作。可泣可歌。藉以激發國恥。挽救頹風。美儒丁健良現已遙譯西文行世。其他所編刊者。有鄧尙書年譜一卷。文忠禁烟公牘六卷。文忠雲左山房古文四卷。鏡西樓筆記。鏡西樓叢鈔等書。皆於中外交涉有極大之關係。又以孫中山先生演說社會主義爲我國歷史上第一次之舉。亟與余集資印成萬冊。遍贈中外同人。端方督兩江時。屢敦聘入幕。君建議創設西文日報。端不能用。君亦不屑就事。嘗擬開鏡西樓圖書館。遍購西籍。譯論華事者。任人觀覽。以保國粹。而資借鑑。故名曰鏡西。去年十二月間。滬城宗教會等五團體請

君演說國學西漸。適伍廷芳君因事未至。謬推余爲主席。見君滔滔雄辯。如數家珍。在座之中西人士。羣以爲聞所未聞。實爲吾國研究此種學術之鼻祖。滬上西人。至以君演說時攝影。登入西文雜誌。湖南南學會畢永年君。嘗因革命事遁入羅浮。爲僧。畢君歿。其子運樞過滬。無過問者。君獨往追悼。慷慨演說。聞者泣下。陳博士煥章。發起孔教會。邀君演講。君引前譯中國經籍英儒理雅各之事。斤斤義利之辨。足爲我國社會痛下針砭。今年國民黨懇親會。君演說外交。以玉帛干戈爲範圍。反復推論。黨中數千人。皆鼓掌歎息。東吳大學畢業君偕伍廷芳君及美博士社會學者韓德生君演說。中西男女各界。皆極讚歎。當是時。君名震天下。而謙退如不及。自言生平以山水文字友朋爲性命。雖談諧百出。而遇有關係事。則毅然力爭。有當仁不讓之概。合觀君立身行事。公爾忘私。國爾忘家。二十年如一日。草野伏處。手無斧柯。而其事績聲施已粲然如此。使得位乘時。本其所學。以應世用。其運籌帷幄。折衝樽俎。國利民福。又當何如。余識君甚新。能傾蓋如舊。叙次既竟。輒贊一詞。文不足以傳君。君之可傳。當自有其真者。時事日艱。盛年方永。後此表見。必更大可觀。余雖不敏。願載筆以從之。

錢錫麟夫人 王天縱夫人 吳木蘭女士



吳木蘭女士



士女鏡寶秦 士女駿陽歐



吳祿貞先生遺容

